

EW NAMOPUNG

A awora ukukun \$25,000 seni ewe Monienapen Legislature ren fan asengesin forum anen choon atake woon ekkewe fonu non ei noomw mei wor chukuur, me pwan ren ekkoch popun.

EPWE PUNG ME REN EWE TRUK DISTRICT LEGISLATURE PWE:

Tetten 1. Iei a kawor ukukun \$25,000, ika fite chok ukukun mei namot ren an epwe tongeni naaf, seni ewe Monienapen Truk District Legislature, ren fan asengesin an epwe foor anen ekkewe fonu mei wor chukuur non ei noomw ren anen choon atake. Ei moni mei kawor me ren ei annuk epwe nounou ngeni forum ekkewe anen choon atake non ekkewe fonu non ewe municipaplity ika pwe ewe municipality a fen fori atipeewin aean ekkewe fonu ren nenien ekkewe anen choon atake.

Tetten 2. Ei ukukun moni mei kawor me non Tetten 1, epwe einet ika no-ngeni ewe Meinapen ewe Putaen Public Works non Chuuk ewe epwe wisen tumunu nounoun ei moni me mwokutukutun, fan iten ewe Kepina non Chuuk, ren an epwe chok fiti meet mei affat me non Tetten 1, ren napanapen nounoun me mwokutukutun ei moni, esap pwan wor katouun me nounoun ei moni epwe napeno seni ei ukukun mei kawor. Meet ukukun ei moni mei kawor esemwo it ne nounou ika nussuno non September 30, 1979, epwe niwinsefaan ngeni ewe Monienapen Truk District Legislature.

Tetten 3. Ewe Meinapen ewe Putai epwe awora an repot won mwokutukutun ei moni ngeni ewe Truk District Legislature, esap mang seni May 15, 1979, epwe affatatiw:


(1) unusen porausen nounoun ewe moni mei kawor me non Tetten 1, pwan fite ukukun nussun moni mei chiwen wor non April 30, 1979;

(2) meet sakkun koot ika anapanap ren nounoun ewe nussun moni, ngeni ewe nussun ika amuchunoon quarter non ewe fiscal year; pwan

(3) epwe pwan fite ukukun moni epwe kawor ren fan iten forum anen woon chuuk ren choon atake ren ewe minefoon Fiscal Year, 1980.

Tetten 4. Ei Namopung epwe poputa pochokunan non October 1, 1978, murin an kapunguno me ren ewe Kepina, ika murin chok an a pusin winita annuk, inamwo ika esemwo kapunguno me ren Kepina.


Annetata seni:


Datasi Albert
Legislative Clerk/Secretary
Truk District Legislature

Sain seni:


Koichi Sana, Speaker
Truk District Legislature


Pwinin maram:


May 23, 1978

A kopunguno seni:


Mitar S. Danis
Kepina non Chuuk

Pwinin maram:


June 23, 1978